

ՀՆՈՑ ԵՒ ՆՈՐՈՑ

(Հաղորդեց Մ. Բարխուդարեան)

III

ՀԱՅՈՑ ԱԶԳԻՆ ՏՈՒԱԾԻ ԱԼԻԻ ՀՐՈՎԱՐՏԱԿԸ.

1852 թ. «Ասկաղ» լրագրի 75 համարում տպագրած է Ալիի՝ Հայերին տուած հրովարտակի ոռւսերէն թարգմանութիւնը, որին կցած է հետեւալ ծանօթութիւնը. «Տեղիս հայ վաճառականներից մէկը՝ Շերմաշանեանը (Գալուստ?), մի քանի տարի առաջ Պարսկաստանում լինելով, իմանում է, որ Արդաբիլում՝ տեղական մղկիթներից մէկում, պահւում է այն հրովարտակը, որ տուել է Հայերին Ալին՝ չորրորդ խալիֆը, Մահմեդի ազգականը։ Շերմաշանեանցի ասելով, նա քիչ ջանք չէ թափել, մինչև որ կարողացել է հանել պատճէն, որի թարգմանութիւնը զետեղում ենք այստեղ։ Հրովարտակը գրուած է քուֆի տառերով, Խորազմալ (?) անապատում, Սաֆար ամսին, հիշրայի 40 թուականին, Վալաղի որդու Աթարի որդի մի ոմն Համամի ձեռքով՝ Ալիի, Աբու-Թալէբի՝ շեյխերի զխաւորի, սրբերի սուրբի և Աստուծոյ առիւծի—յաւիտենական յաղթողի» ¹⁾ հրամանով, ինչպէս ասած է հրովարտակի մէջ։

Ահաւասիկ այդ հրովարտակի հայերէն թարգմանութիւնը որ մենք առնում ենք ոռւսերէնից։

«Յանուն Աստուծոյ Բարերարի և հովանաւորի. Թո՛ղ նորա որորմութիւնը միշտ անպակաս լինի մեզանից։

Տիեզերքի Արարչին գոհութիւն և փառաբանութիւն և արժանաւայել երկրպագութիւն մեր մեծ մարգարէին բարե-

¹⁾ Այս բոլոր խօսքերը չկան հրովարտակի մէջ։ Մ. Բ.

բարոյ Մահէգին և նորա բոլոր սրբազան տան՝ Հայ ժողովրդեան մի բանի պատուաւոր, լուսաւորութեամբ և հոշակաւորութեամբ յայտնի անձինք, ինչպէս՝ Թակոր Սէյիդ, Արդմի-ուէն և Սահակի որդին, Աբրահամ բահանան, Եսայի եպիսկոպոսը և ուրիշ շատերը, թուով մինչև բառասուն մարդ, որոնք արակցութիւն էին ցոյց տուել ամրոցներն ու սահմանները ուղարկած մեր մարդուն, խնդրեցին մեզանից այս հրովարտա-կը շնորհելու Ի պատիւ որոյ՝ նոցա ներկայութեամբ, հրամա-յում ենք ինչպէս մեր կողմից, այնպէս և Իսլամի բոլոր սե-րունդի կողմից՝ արեւելից մինչև արևմուտք, մեր հովանաւո-րութեան ներքոյ բոլոր գտնուողներին, բանի որ ես կենդա-նի եմ և իմ մահից յետոյ, բանի որ իսլամականութիւնը գոյու-թիւն կունենայ, բոլոր թաղաւորները, տիրապետող իշխաննե-րը և բոլոր իշխանութիւն ունեցողները պարտական են սըր-բութեամբ կատարելու այս մեր որոշումը, բանի որ ծովերը կը պահպանեն իրենց թացութիւնը, երկնքից անձրև կը գայ, եր-կիրը բոյսեր կ'արտադրէ, աստղերը կը լուսաւորեն և արեգակը կը ջերմացնէ, թող ոչ ոք չյանդգնի խախել և փոփոխել իմ պա-տուէրը ոչ մի որ և է բան աւելացնելով, ոչ պակսեցնելով և ոչ էլ փոփոխութիւն մտցնելով նորա մէջ։ Մի որևիցէ բան աւելացնողը կը սաստկացնէ իւր պատիժը և կը պակսեցնէ մեր ներողամտութիւնը, իսկ ով որ կ'փորձէ փոխել մեր կարգա-դրութիւնը, նա չարագործ, անհաւատարիմ հպատակ, Աստուծոյ պատուիրանը խախտող կհամարուի և նորա ցասման պատճառը կլինի Որովհետև այս հրամանը Սէյիդի, եպիսկոպոսի և ուրիշ նշանաւորագոյն բաղաբացիների, որոնց անունները վերը յի-շուած են, խնդիրքով գրուած է բոլոր քրիստոնեաների համար, որոնք մեր հովանաւորութեան ներքոյ են, ուստի թող նորա զօրութեամբ մշտապէս խաղաղութիւն և մտերմութիւն լինի բոլոր քրիստոնեաների և մահմեդականների մէջ։ Այդ ես կամե-նում եմ և սիրով անխախտ կը պահեմ այս որոշումը, բանի որ քրիստոնեաները իմ հպատակութեան մէջ կլինեն և չեն ար-համարժիշի իմ հպատակների կրօնը։ Այն քրիստոնեաները, որոնք հաւատարիմ կը լինեն իրենց խօսքին, թող հաւատար լինեն մահմեդականներին և ուղղահաւատներին։ Այսպէս քրիստոնեա-նների խնդիրքով՝ մահմեդական աւագանիի և իմ ամենազիջաւոր պաշտօնեաներիս ժողովում, տալիս եմ այս հրամանը և թո՛ղ հաստատապէս կատարեն թէ նոքա և թէ նոցա սերունդները։

Եթէ թագաւորներից կամ տիրապետող իշխաններից մէկը նեղէ Հայերին, թող նեղիչներին նոքա ցոյց տան այս պահպանողական հրովարտակը: Թագաւորները և մահմեդականները պարտաւոր են ամեն բան մեր հրամանով կատարելու. իրենց բոլոր գործողութիւններում պարտաւոր են յարմարուել մեր կամքին, ամեն կերպ աշխատել արմատախիլ անելու ամենափոքր անգամ անհամաձայնութիւնը, չնեղել բրիտոնեաներին և չարհամարհել նոցա: Եւ, ես կամենում եմ, որ տարածայնութիւն չլինի բրիտոնեաների և իմ հօր ու փառապանծ ժողովրդի մէջ: Եթէ մէկը մի որևիցէ բանով խախտէ բրիտոնեաների համար իմ գրածը, որոնք արժանացել են իմ ողորմութեանս, թող նա լինի Աստուծոյ կամքը չկատարելու պատճառը, Որ ներշնչել է ինձ բարերարել բրիտոնեաներին, ազատել նոցա ամեն տեսակ հալածանքներից և նեղութիւններից. այս դիտաւորութեամբ շնորհում եմ նոցա այն պահանջողական հրովարտակը, որի մէջ՝ բրիտոնեաների և իմ մերձաւորների խնդիրքի համաձայն, ուխտ արի յանուն Աստուծոյ, մարգարէների և բոլոր սրբերի՝ առաջինից մինչև վերջինը, համաձայն Աստուծոյին պատուիրանին, որ հրեշտակի և սուրբ մարգարէի միջոցով հասել է մեզ և յորդորում է հնազանդուել օրէնքներին և կատարել պարտականութիւնները, նմանապէս և անխախտ պահել Աստուծոյ ներշնչած այս կարգադրութիւնը, որ իմ հպատակութեան մէջ գտնուող բրիտոնեաներին, որոնք իմ ժողովուրդն են կազմում, ես պարտական եմ բարերարել և ազատել նոցա ամեն տեսակ դժբաղդութիւնից և հալածանքից, որի համար ինչպէս ես, այնպէս էլ աշխարհիս երեսին տարածուած իմ ժողովուրդը կարժանանայ պարգևի: Հրամայում եմ, որ իշխանները բրիտոնեաներից հարկ վերցնեն իմ որոշմամբ, չվիրաւորեն, չհալածեն նոցա, չստիպեն նոցանից և ոչ ոքի կեանքի եղանակը փոխելու՝ ոչ կրօնաւորին, ոչ բրիտոնեային, ոչ ճգնաւորին, չարգելեն բարոյիչներին իրենց հաւատը տարածել, բրիտոնեաների բնակարաններն ու զիւղերը չոչնչացնեն, չյափշտակեն նոցա ինչքը և եկեղեցիներ կառուցանելու ժամանակ չարգելեն նոցա զանգակներ ունենալու:

Իմ այս կարգադրութիւնը կամ հրամանը խախտողը՝ խախտելով Աստուծոյին պատուիրանը, յաւիտենական պատժի է արժանի՝ լինի նա թագաւոր կամ մի ուրիշ ոք. ոչ միայն նա չէ կարող բրիտոնեաներին բռնութեամբ մահմեդական դարձ.

ել, այլ և ոչ մի վիճաբանութիւն չպիտի անէ նոցա հետ կրօնի մասին, բայց ամենքը պարտաւոր են նոցա հետ խաղաղ ապրել և կարիք եղած դէպքում պաշտպանել նոցա, իրենց հովանաւորութիւնը զոյց տալ նոցա և, ինչ տեղ էլ որ նոքա հաստատուելու լինեն, աշխատել պաշտպանելու նոցա ամեն տեսակ դժբաղդութիւնից, որ կարող է պատահել նոցա:

Եթէ Հայերը եկեղեցիներ և վանքեր շինելու և կամ քաղաքների և իրենց տների բարեկարգութեան համար որևէ օժանդակութեան կարիք ունենան, մահմեդականները պարտաւոր են նոցա օգնելու՝ բաժին հանելով նոցա համար իրենց անտերացած (?) կայքի մի մասը, և այն՝ առանց յետ ստանալու, որպէս ողորմութիւն, և պարտաւոր են բարի խորհուրդներ տալու նոցա իրենց ամեն մի ձեռնարկութեան ժամանակ, որովհետև այդ հաճոյ է Աստուծուն և նորա մարգարէին: Ուլ որ խախտէ կամ փոփոխէ այս հրամանը, անհաւատարիմ կհամարուի և դաւաճան Աստուծոյ մարգարէին, կըղբկուի նորա հովանաւորութիւնից և յանցաւորին կը պատժէ մարգարէն: Մի խօսքով՝ ով որ չի հպատակուիլ այս պատուիրանին, նա անհնազանդ կլինի սրբերի սուրբ Ալի՝ ամենափառաւոր Աբուլթալէրի կամքին, որի հրամանը մուսուլմանները պարտաւոր են կատարելու, սիրայօժար ամենքին բարութիւն և ողորմութիւն անելով, բանի որ աշխարհս կանգուն է և մինչև ի կատարածն աշխարհի, ի փառս Արարչին տիեզերքի: